

Քեթ զեհէմօ . երբեմն յորդորէր շատանալ փոքու իւրիք , և երբեմն սպառնայր առաջի եղեալ զապագայն՝ թէ խանգարեմ զամենայն գործս ձեր , յորդոր լինէր նաև Յունաց , ունիլ Հայոց իրաւունս , և զինքն ցուցանէր իբրև պաշտպան նոցին և աշխատաւոր , սակաւուք գոհ առնել զՀայս՝ և պահել զյարգ մեծութեան Յունաց , և այլ այսպիսի բանք սնոտիք : Նուրի էֆէնտի կոչեաց զնա առ իւր 'ի ձեռն Ջութատարի և բարկութեամբ ասէ ցնա , եթէ ժողովեալ զՔրիստոնեայս առանձին կամիս հոգալ զգործն , չէ պարտ մնալ մեզ աստ . միթէ գրեալ իցէ Տէրութիւնն ժողովել զերկուս ազգս և աղաչանօք գործ վճարել , արժա՞ն իցէ Դատաւորի երթալ յոտս Քրիստոնէից և աղաչել , միթէ քե՞զ միայն յանձն եղեւ այս գործ , ո՞չ ասպքէն Քաղաքապետն և բոլոր այլազգիք աստ են , և ունին իրաւունս վերահաս լինել բովանդակ գործոյն , այլովքն հանդերձ : Ջանամ ասէ տալ եզրակացութիւն ինչ գործոյն առանց խոսովութեան , և ապա յանդիման կացուցանել քեզ զբովանդակութիւն նորին : Նուրի՝ զի՞նչ արդեօք իցէ ջանք քո և բովանդակութիւն գործոյն , հրամանու Յունաց տալ սակաւ ինչ Հայոց և հակառակիլ հրամանի Արքային , կարծեմ թէ մոռացեալ իցէ քո զգատապարտութիւն Մուսաննրֆ Դատաւորին , և լռեաց :

Ապա դարձուցեալ զբանս իւր առ Քրիստոնեայս ասէ , հրամանաւ բարերար տեառն իմոյ Արքայի երկու ազգքդ բաժանորդ էք 'ի տեղոջ յայսմիկ ամենայն պարագայիւք . երթայք խորհեցարուք առանձին , եւ ապա եկեալ պատմեցէք մեզ 'ի բաց հանէք 'ի մտաց ձերոց զայն ամենայն զոր եղեալ էք , զի ըստ հրովարտակիին պարտ է կատարիլ ամենայն իրաց . Յոյնք տակաւին կացեալ նկատէին յերեսս Դատաւորին , և նա ակնարկէր կատարել զհրամանն , այլ նոքա յամառեալ ասէին , երթալ խորհիլ ընդ ձերունիս վանաց , որոց ետ պատասխանի Նուրի , զլսաւորք ազգին ձերոյ ետուն հաւանութիւն 'ի դատին կոստանդինուպօլսոյ լինիլ այսպէս , և դուք իբրև անձինք երեւելիք եկեալ էք աստ 'ի կողմանէ վանաց , ուրեմն վախճան տուք բանից ձերոց , դարձեալ նշան ետ Դատաւորն , և գնացին զլսաւորք երկուց ազգաց յետ կոյս գերեզմանին : Զկնի բազում